

湖廣通志

湖廣通志

黃州府詩類

本府

黃岡縣附

唐

齊安

杜牧之

弭節齊安郡孤城百戰殘
傍村林有虎帶郭縣無官
暮角梅花怨清江桂影寒
忝離緣底事撩我起長嘆

齊安晚秋

杜牧之

柳岸風來影漸疎使君家似野人居
雲容水態還堪賞嘯志歌懷亦自如
雨暗殘燈暮欲散酒醒孤枕鴈來初
可憐赤壁爭雄渡惟有衰翁坐釣魚

橫江館

杜牧之

外家兄弟晉龍驤馳騁功名業
帝王畢竟江山誰是主苔磯空

屬釣魚郎

齊安郡後池

菱透浮萍綠錦池
夏鶯千轉弄黃鸝
盡日無人看微雨
鴛鴦相對浴紅衣

宋

前赤壁賦

蘇軾

壬戌之秋七月既望蘇子與客泛舟遊於赤壁之下清風徐來
水波不興舉酒屬客誦明月之詩歌窈窕之章少焉月出於東
山之上徘徊於斗牛之間白露橫江水光接天縱一苇之所如凌
萬頃之茫然浩浩乎如馮虛御風而不知其所止飄飄乎如遺世
獨立羽化而登仙於是飲酒樂甚扣舷而歌之歌曰桂棹兮蘭
槳擊空明兮流光渺渺兮予懷望美人兮天一方客有吹洞

蕭者倚歌而和之其聲嗚嗚然如怨如慕如泣如訴餘音嫋嫋
不絕如縷舞幽壑之潛蛟泣孤舟之嫠婦蘇子愀然正襟危坐
而問客曰何爲其然也客曰月明星稀烏鵲南飛此非曹孟德
之詩乎西望夏口東望武昌山川相繆鬱乎蒼蒼此非孟德之
困於周郎者乎方其破荊州下江陵順流而東也舳艫千里旌
旗蔽空醴酒臨江橫槊賦詩固一世之雄也而今安在哉況吾
與子漁樵於江渚之上侶魚鰕而友麋鹿駕一葉之輕舟舉匏
尊以相屬寄蜉蝣於天地渺滄海之一粟哀吾生之須臾羨長江
之無窮挾飛仙以遨遊抱明月而長終知不可乎驟得託遺響
於非風蘇子曰客亦知水與月乎逝者如斯而未嘗往也盈虛
者如彼而卒莫消長也蓋將自其變者而觀之則天地曾不能以
一瞬自其不變者而觀之則物與我皆無盡也而又何羨乎且夫

天地之間物各有三苟非吾之所有雖一毫而莫取惟江之清
風與山間之明月耳得之而爲聲目遇之而爲色取之無禁用之
不竭是造物者之無盡藏也而吾與子之所共食客喜而笑洗
盞更酌肴核既盡杯盤狼籍相與枕藉乎舟中不知東方之既白

後赤壁賦

前人

是歲十月之望步自雪堂將歸于臨臯二客從予過黃泥之坂
霜露既降木葉盡脫人影在地仰見明月顧而樂之行歌相答
已而嘆曰有客無酒有酒無肴月白風清如此良夜何客曰今
者薄暮舉網得魚巨口細鱗狀似松江之鱸顧安所得酒乎歸
而謀諸婦婦曰我有斗酒藏之久矣以待子不時之需於是携
酒與魚復游於赤壁之下江流有聲斷崖千尺山高月小水落
石出曾日月之幾何而江山不可復識矣予乃攜衣而上履巉岩

寒聲踞虎豹登虬龍攀栖鶻之危巢俯馮夷之幽宮蓋三客
之不能從焉劃然長嘯草木震動山鳴谷應風起水湧予亦悄
然而悲肅然而恐凜乎其不可留也反而登舟放乎中流睽其所止而休
焉時夜將半四顧寂寥適有孤鶴橫江東來翅如車輪玄裳縞
衣晏然長鳴掠予舟而西也須臾客去予亦就睡夢一道士羽
衣翩跹過臨臯之下揖予而言曰赤壁之遊樂乎問其姓名倪
而不答嗚呼噫嘻我知之矣疇昔之夜飛鳴而過我者非子也
聊道士顧笑予亦驚悟開戶視之不見其處

赤壁山

王介甫

日淨山如染風暄草欲薰梅殘數點雪麥漲一川雲

初到黃州

蘇軾

自笑平生爲口忙老來事業轉荒唐長江遶郭知魚美好竹連

山覺簪香逐客不妨員外置詩人倒作水曹即只慙無補絲毫
事尚費官家壓酒囊

離黃州

扁舟發孤城攜手謝送者山田地勢卷天闊江面瀉中流西去赤
壁石脚挿水下昏昏烟霧鎖歷歷漁樵舍居夷實三載鄰里通
假借別之豈無情老淚爲三灑篙工起鳴鼓輕櫓健於馬聊爲
過江宿寂寂還山夜

別黃州

蘇軾

病瘡老馬不任鞍猶向君王得敝帷桑下豈無三宿戀樽前聊
與一身歸長腰尚載撐腸米閣領先裁蓋屨衣投老江湖終不
失來時莫遣故人非

過江夜行聞黃州鼓角

蘇軾

清風弄水月銜山幽人夜渡吳王峴黃州鼓角亦多清送我南
來不辭遠江南又聞出塞曲半雜江聲出悲律誰言萬古聲一
緊電憤龍愁爲余變我記江邊枯柳樹未死相逢真識面他
年一葉泝江來還吹此曲相迎餞

竹樓

戴式之天口人

每日黃堂事了時一心惟恐上樓遲發揮天地讀周易管領江
山歌杜詩切戒吏來呈簿曆常邀客至共琴碁風流太守誰其
似半似元之半牧之

涵輝樓

韓琦

臨江三四樓次第壓城首山光徧軒楹波影撼窗牖

君子泉

黃庭堅

雲夢澤南君子泉水無名字托人賢兩蘇翰墨相爲重未刻他

山石已傳

臨臯亭

蘇軾

我生天地間一蟻寄大磨區區欲右行不救風輪左雖云走仁
義未免遭寒餓飯未有危炊鍼氈無穩坐豈無言山水借眼風
雨過歸田不待老勇決凡幾箇幸茲廢棄餘疲馬解鞍馱全家
占江驛絕鏡天爲破饑貧相乘除未見可吊貧富然無憂樂苦
語不成此

雨亭至四望亭

蘇軾

雨過浮萍合蛙聲滿四隣海棠真一夢梅子欲嘗新桂枝開桃
菜鞦韆不見人慙慙未可藥獨自殿餘春

曉至巴河迎子由

蘇軾

去年御史府舉動觸四壁幽幽百尺井仰天無一席隔牆聞

吁自恨計之天留詩不忍
翠淚漬紙筆跡生復何章樂事有
今日江流鏡面靜煙雨輕
暴暴孤舟如鳥翼點破千頃碧聞君
在磁湖欲見隔咫尺朝來好風色旗尾西北擲行當中流見笑
眼清光溢比邦疑可老脩竹帶泉石欲買柯石林茲謀待君必
國恩責授檢校團練副使二首

蘇軾

平生文字爲吾累此處聲名不厭低
塞上縱歸他日馬城頭不
聞少年鷄休官彭澤貧無酒隱几維摩病有妻堪笑睢陽老從
事爲予投檄向江西

百日歸來恰似春餘年樂事最關身
出門使旋風吹面走馬聯
翩鵲啖人却對酒盃渾似夢試拈詩筆已如神此笑何必深追
答竊祿從來豈有因

頌兄

韓琦

子兄天聖中尚攝齊安守兄才無不宜吏治孰可偶公庭常寂
然所樂在文酒

黃州偶成

戴式之

鴈叫淮南欲雪天倚樓無味抱愁眠
筭從滄海白雲際行到黃州赤壁邊
萬事只於懷壯志一生窮爲聳吟肩
鬢間白者休教鑷要使天知老可憐

棲霞樓即景呈謝深道國正

戴式之

朝來欄檻倚晴空暮來烟雨迷飛鴻
白衣蒼狗易改變淡粧濃抹難形容
蘆州渺渺去無極數點斷山橫遠碧
樊山諸峯立一壁非烟非霧籠秋色
須知黑雲如潑墨欲雨不雨不可得
須臾雲開見落日忽展一機雲錦出
一態未了一態生愈變愈奇人莫測
使君把酒索我詩索詩不得呼畫師
要知作詩如作畫人

力豈能

東坡

張孝祥

寧樂昏西日
去稚子飲牛歌

到東坡暗井蛙成部荒祠鳥作窠老仙騎鶴
廢何須問斯文自不磨

定惠院月下偶成

蘇軾

幽人無事不出門偶逐東風轉良夜參差玉宇飛木末繚繞香
煙來月下江雲有態青白媚竹路無聲浩如瀉已驚弱柳萬絲
垂尚有殘梅一枝亞清詩獨吟還自和白酒已盡誰能借不辭
青春忽忽過但恐歡意年年謝自知醉耳愛松風會棟霜林結
茅舍浮浮大旣長炊玉溜溜小槽如壓蔗飲中真味老更濃醉
裏狂言醒可怕但當謝客對妻子倒冠落佩從朝罵

定惠禪師爲余築竹下開嘯軒
蘇軾

啼鴉催天明喧喧相訾譏暗蛩泣夜永唧唧自相吊飲風蟬至
絮長吟不改調食土蚓無腸亦自終夕叫鳶貪聲是鄙鵲喜意
可料皆緣不平鳴慟哭等嬉笑阮生已粗率孫子亦未妙道人
開此軒清坐默自照衝風振河海不能號無寢更盡五局言風
來竹自嘯

定惠院海棠

蘇軾

江城地瘴蕃草木只有名花苦幽獨嫣然一笑竹籬間桃李漫
山總塵俗也知造化有深意故遣佳人在空谷自然富貴出天
然不待金盤薦華屋朱唇得酒暈生臉翠袖捲紗紅映肉林深霧
暗脫光暉日暖風輕春睡足雨中有淚亦悽愴月下無人更清
淑先生食飽無一事散步逍遙自捫腹不問人家與僧舍拄杖
敲門省修竹忽逢絕艷照衰朽歎息無言敲病目陋邦何處得

此花無乃好事移西蜀寸根千里不易到
嗚子飛來定鳴鵲天涯流落俱可念
爲飲一樽歌此曲明朝酒醒還獨來
雪落紛紛那忍觸

安國寺尋春

蘇軾

卧聞百舌呼春風起尋花柳村村同城
南古寺修竹合小房幽檻歌深紅看
花歎老憶年少對酒思家愁老翁病
眼不羞雲鬢亂鬢絲強理茶煙中遙
知二月王城外王仙洪福花如海薄
羅勻霞蓋新粧快馬爭風鳴雜珮
王川先生真可憐一生耽酒終無
錢病過春風九十日獨抱添丁看
花發

宿黃州禪智寺

蘇軾

佛燈漸暗鷄鳴出山雨忽來脩竹鳴
知是何人舊詩句已應知我此時情

次韻樂著天慶觀鰲

蘇軾

濁世紛紛肯下臨
夢尋飛步五雲深
無因上到通明殿
只許微聞玉佩音

同潘郭二生共遊女王城

二首即蘇軾
求安城蘇軾

東風未肯入東門
走馬還尋去歲村
人似秋鴻未有信
事如春夢了無痕
江城白酒三盃醺
野老蒼顏一笑溫
已約年年爲此會
故人不用賦招魂

亂山環翠水侵門
身在淮南盡處村
五畝漸成終老計
九重新掃舊巢痕
豈惟見慣沙鷗熟
已覺耒多釣石溫
長安東風約今日
暗香先逐玉梅魂

新生洲

蘇軾

轉復紅鮀股臂分
敵遮深浪見深仁
三江自此分南北
中

江是主人

黃泥坂詞

蘇軾

出臨臯而東，驚兮竝藥祠而北轉，走雪堂之坡陀，兮歷黃泥之
長坂。大江洶以左，繚兮渺雲濤之舒卷。草木層累而右附兮，蔚
柯丘之葱蒨。余且往而夕還兮，步徙倚而盤桓。雖信美不可居
兮，苟娛於一眇余幼好此奇服兮，襲前人之詭幻。老更變而自
陋兮，候驚俗之未患釋室璫而被繒絮兮，雜市人而無辨。路悠
悠兮，莫徕兮守一席而窮年時游步而遠覽兮，路窮盡而旋
返。朝嬉黃泥之白雲兮，暮宿雪堂之青煙。喜魚鳥之莫余驚兮，
幸樵蘇之我嬾。初被酒以行歌兮，忽放杖而醉偃。草爲茵而塊
爲枕兮，穠草堂之青晏紛墜露之濕衣兮，升索月之團圓。感父
老之呼覺兮，恐牛羊之予踐。於是蹶然而起，起而歌曰：月明兮